

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**ZAKLJUČAK**  
**o obustavljanju postupka**

**po Prijavi koncentracije privrednih subjekata Agri Europe Cyprus Limited, d.o.o., Kipar, AIK  
Banka a.d. Beograd, Srbija i Gorenjska Banka d.d. Kranj, Slovenija**

**Sarajevo**  
**mart, 2022. godine**



Broj: UP-06-26-1-046-10/21  
Sarajevo, 14.03.2022. godine

Konkurencijsko vijeće Bosne i Hercegovine je na osnovu člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09), te člana 122. stav (2) i člana 123. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), u postupku po Prijavi koncentracije privrednih subjekata Agri Europe Cyprus Limited, d.o.o., The Oval, Office 502, Krinou 3, 4103 Agios Athanasios, Limasol, Kipar, AIK Banka a.d. Beograd, Bulevar Mihaila Pupina 115đ, 11070 Beograd-Novi Beograd, Srbija i Gorenjska Banka d.d. Kranj, Bleiweisova cesta 1, 4000 Kranj, Slovenija, koje zastupa Advokatsko društvo Marić & Co d.o.o. Sarajevo, Mehmeda Spahe 26, i to advokati Ezmana Turković i Džana Smailagić-Hromić, zaprimljenoj dana 08.11.2021. godine pod brojem: UP-06-26-1-046-1/21, Konkurencijsko vijeće Bosne i Hercegovine na 101. (stotinuprvoj) sjednici održanoj dana 14.03.2022. godine, donijelo

### **Z A K L J U Č A K** **o obustavljanju postupka**

1. Obustavlja se postupak po Prijavi koncentracije broj: UP-06-26-1-046-1/21 od dana 08.11.2021. godine podnesenoj od strane privrednih subjekata Agri Europe Cyprus Limited, d.o.o., The Oval, Office 502, Krinou 3, 4103 Agios Athanasios, Limasol, Kipar, AIK Banka a.d. Beograd, Bulevar Mihaila Pupina 115đ, 11070 Beograd-Novi Beograd, Srbija i Gorenjska Banka d.d. Kranj, Bleiweisova cesta 1, 4000 Kranj, Slovenija, zbog odustajanja stranke.
2. Ovaj Zaključak je konačan.
3. Ovaj Zaključak bit će objavljen u “Službenom glasniku BiH”, službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće BiH (u daljem tekstu: Konkurencijsko vijeće) je zaprimilo pod brojem: UP-06-26-1-046-1/21 dana 08.11.2021. godine Prijavu koncentracije (u daljem tekstu: Prijava) privrednih subjekata Agri Europe Cyprus Limited, d.o.o., The Oval, Office 502, Krinou 3, 4103 Agios Athanasios, Limasol, Kipar, AIK Banka a.d. Beograd, Bulevar Mihaila Pupina 115đ, 11070 Beograd-Novi Beograd, Srbija i Gorenjska Banka d.d. Kranj, Bleiweisova cesta 1, 4000 Kranj, Slovenija (u daljem tekstu: Podnosioci prijave), koje zastupa Advokatsko društvo Marić & Co d.o.o. Sarajevo, Mehmeda Spahe 26, i to advokati Ezmana Turković i Džana Smailagić-Hromić, kojom isti namjeravaju steći pojedinačnu kontrolu nad privrednim subjektima Sberbank d.d. Zagreb, Varšavska 9, 10000 Zagreb, Hrvatska, Sberbank BH d.d. Sarajevo, Fra Anđela Zvizdovića 1, 71 000 Sarajevo, Bosna i Hercegovina, Sberbank a.d. Banja Luka, Jevrejska 71, 78000 Banja Luka, Bosna i Hercegovina, Sberbank Magyarorszag Zrt., Rakoczi ut 1-3, 1088 Budimpešta, Mađarska, Sberbank Srbija a.d. Beograd, Bulevar Mihaila Pupina 165g, 11070 Beograd-Novi Beograd, Srbija i Sberbank banka d.d. Ljubljana, Dunajska 128a, 1000 Ljubljana, Slovenija (u daljem tekstu: Ciljana društva).

Uvidom u zaprimljenu Prijavu i priloge uz istu Konkurencijsko vijeće je utvrdilo da dostavljeno treba dopuniti te je u tom smislu dana 20.12.2021. godine aktom broj: UP-06-26-1-046-2/21 uputilo Zahtjev za dopunom Prijave koncentracije.

Podnosioci prijave su traženo dostavili dana 27.12.2021. godine podneskom zaprimljenim pod brojem: UP-06-26-1-046-3/21.

Konkurencijsko vijeće je, u skladu sa članom 16. stav (4) Zakona o konkurenciji, dana 24.02.2022. godine izdalo Obavještenje o dostavljenoj Prijavi broj: UP-06-26-1-046-6/21 u dnevnim novinama „Nezavisne novine“ u kojem su objavljeni podaci o koncentraciji“te tom prilikom pozvalo sve zainteresovane strane na dostavljanje pisanih komentara o provođenju iste. Pored navedenog, Konkurencijsko vijeće je objavilo Obavještenje o dostavljenoj Prijavi i na web stranici Konkurencijskog vijeća.

Podnosioci prijave su podneskom zaprimljenim pod brojem: UP-06-26-1-046-9/21 od 03.03.2022. godine obavjestili Konkurencijsko vijeće da, u skladu sa članom 26. Zakona o konkurenciji te na osnovu članova 122. i 123. Zakona o upravnom postupku, u predmetu broj: UP-06-26-1-046-1/21 odustaju od koncentracije.

Članom 122. stav (1) Zakona o upravnom postupku propisano je da stranka može odustati od svog zahtjeva u toku cijelog postupka.

Također, članom 123. stav (1) Zakona o upravnom postupku je određeno da stranka može opozvati svoje odustajanje od zahtjeva, sve dok tijelo koje vodi postupak ne donese zaključak o obustavljanju postupka i isti ne dostavi stranci.

U skladu sa odustajanjem od Prijave od strane Podnosioca prijave, odnosno dalje realizacije prijavljene koncentracije, Konkurencijsko vijeće je donijelo odluku o obustavljanju postupka, kako je to navedeno u tački (1) dispozitiva ovog Zaključka.

### **Pouka o pravnom lijeku**

Protiv ovog Zaključka nije dopuštena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

**Predsjednik**

**Dr. sc. Amir Karalić**